



АРТ ПЕДАГОГИКА ВОСИТАСИДА БОЛАЛАР ИЖОДКОРЛИГИНИ РИВОЖЛАНТИРИШ

<https://doi.org/10.53885/edires.2022.5.5.019>

*Тилавова Матлаб Мухаммедовна,
Бухоро давлат университети*

Аннотация. Мақолада болаларни илк ёшданоқ ижодий қобилиятларини ривожлантириши мактабгача таълим сифатини оширишининг замонавий ёндашувларидан бири сифатида қайд этилган. Арт педагогикаси воситасида мактабгача ёшдаги болалар ижодкорлигини ривожлантириши педагогик муаммо сифатида тавсифланиб, ижодий қобилиятларни ривожлантириши замонавий педагогик технологияларнинг ўрни очиб берилган.

Калим сўзлар: интеллектуал, кўникма, қобилият, Концепсия, истиқбол, артпедагогика, инновация

DEVELOPMENT OF CHILDREN'S CREATIVITY THROUGH ART PEDAGOGY

*Tilavova Matlab Muxammedovna,
Bukhara State University*

Annotation. In this article, the development of children's creative abilities from an early age is noted as one of the modern approaches to improving the quality of preschool education. The development of children's creativity in preschool education through art pedagogy is described as a pedagogical problem, and the role of modern pedagogical technologies in the development of creative abilities is revealed. This, in addition to intellectual tensions, has been identified as an urgent task to develop children's creative abilities in a socio-cultural environment, the implementation of effective technologies to improve their creative activity and initiative skills.

Keywords: intellectual, skill, ability, concept, perspective, art pedagogy, innovation

Ўзбекистонда 2020 йилда “Таълим тўғрисида”ги қонуннинг янгиланиши биринчи бўғинида ўзгартириш киритилган. Мактабгача таълим ва тарбия тизими узлуксиз таълимнинг биринчи бўғини ҳисобланади. Мактабгача таълим ва тарбия тизимини тубдан такомиллаштириш, инновацион методларни ҳисобга олган ҳолда самарали таълим ва тарбия шакллари ҳамда усусларини жорий этишга қаратилган мактабгача таълимнинг янги тизимини ташкил этиш бўйича кенг кўламли ислоҳотлар амалга оширилмоқда.

Ўзбекистон Республикаси мактабгача таълим тизимини 2030 йилгача ривожлантириш Концепциясида «Мактабгача ёшдаги болаларни ҳар томонлама интеллектуал, ахлоқий, эстетик ва жисмоний жиҳатдан ривожланиши учун шарт-шароитлар яратиш, мактабгача таълим тизимига инновацияларни, илғор педагогик ва ахборот-коммуникация технологияларини жорий этиши» каби устувор вазифалар белгиланган. Бу вазифаларни амалга ошириш Ўзбекистон Республикаси илк ва мактабгача ёшдаги болалар ривожланишига қўйиладиган давлат талабларига мувофиқ ҳар томонлама тарбиялаш ва таълим бериш дастурларини ишлаб чиқиши ҳамда тарбияланувчиларнинг ижодий қобилиятларини шакллантириш технологияларини компетенциявий ёндашув асосида такомиллаштириш зарурлигини кўрсатмоқда.

Халқимизнинг келажаги, мустакил давлатимизнинг истиқболи кўп жиҳатдан мураббий тарбиячига, унинг савияси, тайёргарлиги, фидойилиги, ёш авлодни

ўқитиш ва тарбиялаш ишига бўлган муносабатига боғлик.

Ўзбекистон мустақиллика эришгач, таълимнинг барча соҳалари, шу жумладан, мактабгача таълим ва тарбия тизимиға эътибор кучайтирилди. Ўзбекистон Республикасининг “Мактабгача таълим ва тарбия” тўғрисидаги Конуни ҳамда мактабгача таълим тизимини узоқ ва қисқа муддатли истиқболини белгиловчи норматив-хукуқий ҳужжатлар қабул қилиниб хукуқий асослар яратилган.

Ўзбекистон Республикаси Вазирлар Маҳкамасининг “Мактабгача таълим ва тарбиянинг давлат стандартини тасдиқлаш тўғрисидаги” 22.12.2020 йилдаги 802-сонли қарорида 1-умумий қоидасида Мактабгача таълим ва тарбиянинг давлат стандарти ҳақида ёзилган. Ушбу Мактабгача таълим ва тарбиянинг давлат стандарти (кейинги ўринларда — давлат стандарти) давлат стандартининг мақсади ва асосий вазифаларини, принципларини, таркибий қисмларини, давлат стандартларини жорий этиш ҳамда унинг талабларига риоя этилишини назорат қилиш тартиби ҳақида баён этилган.

Давлат стандартини амалга оширишда мактабгача таълим ва тарбиянинг давлат таълим дастурини, мактабгача ёшдаги болаларга мактабгача таълим ва тарбия бериш соҳасидаги ўқув-методик қўлланмаларни, методик тавсияларни ишлаб чиқиш, шунингдек, мактабгача таълим ташкилотларини лойихалаштириш, қуриш, жиҳозлаш ва уларнинг фаолиятини ташкил этишининг ўзига хос хусусиятлари ишлаб чиқилиши таъкидланган.

Қарорнинг 2 бобида Давлат стандартининг мақсади ва асосий вазифалари белгиланган. Давлат стандартининг мақсади — мактабгача таълим тизимини замонавий талабларга асосланган ҳолда ташкил этиш, болаларни соғлом ва ҳар томонлама етук қилиб вояга етказиш, таълим-тарбия жараёнига самарали таълим ва тарбия шакллари ҳамда усусларини жорий этиш ҳамда маънавий баркамол авлодни тарбиялаш, шунингдек, таълим-тарбия жараёнининг ҳажмига, мазмунига ва сифатига, мактабгача таълим ташкилотини қуриш ва жиҳозлашга, мактабгача ёшдаги болаларнинг соғлом овқатланишини ва хавфсизлигини ташкил этишга доир мажбурий минимум талабларни жорий этиш ва назоратини ташкил этишдан иборат. Давлат стандартининг асосий вазифалари куйидагилардан иборат:

-мактабгача таълимнинг мазмуни ва сифатига қўйиладиган талабларни белгилаш;

-миллий, умуминсоний ва маънавий қадриятлар асосида тарбиялашнинг самарали шакллари ва усусларини жорий этиш;

-ўқув-тарбия жараёнига инновацион педагогик ва замонавий ахборот-коммуникация технологияларини жорий этиш;

-таълим-тарбия фаолияти сифатини назорат қилишнинг хукуқий асосларини такомиллаштириш;

-мактабгача таълим ташкилотларида тўлақонли ва хавфсиз овқатлантиришни ташкил этишга бўлган санитария-гигиеник талабларни белгилаш;

-мактабгача таълим ташкилотларини қуриш меъёрларини тартибга солиш;

-мактабгача таълим ташкилотларини ўйинлар, ўйинчоқлар, мебель, жиҳозлар ва бошқа техник, реабилитацион воситалар билан жиҳозлаш;

-мактабгача таълим ташкилотларининг ёнгин хавфсизлигини таъминлашга қўйиладиган талабларга мувофиқлигини таъминлашдан иборат.

Замонавий тасвирий санъат орқали болалардаги қобилият ҳамда имкониятларни аниқлаб, уларни тўғри шакллантириш билан шуғулланувчи тармоқларидан бири бу - арт педагогика ҳисобланади. Маълумки, унинг фаолият соҳаси турли хил санъат турларини педагогик ва ахлоқ тузатиши ишларида қўллаш, баркамол шахсни тарбиялаш, умумбашарий ва миллий маънавий қадриятларни таржима қилиш ва бадиий фаолият орқали инсонни мослаштиришдан иборат. У



педагогика ва санъат чорраҳасида пайдо бўлди ва ривожланмоқда.

Арт педагогиканинг мазмуни- бу таълим ва тарбия жараёнида инсонда (шу жумладан, ривожланиш нуқсонлари мавжуд бўлган тақдирда) бадиий маданиятни ривожлантириш ва унга турли хил бадиий фаолият турлари бўйича амалий кўникмаларни муваффақиятли ўзлаштиришга ёндашувни топишда ёрдам беришдир. Айтиш керакки, бугунги кунда Ўзбекистонда «арт педагогика» тушунчаси замонавий педагогика фанида маҳсус йўналиш сифатида ҳали етарлича тўлиқ ва аниқ таърифини олмаган. Аммо, шунга қарамай, кўшимча таълим ўқитувчилари, ижодий фикрлайдиган ўқитувчи ва тарбиячилар, университет ўқитувчилари ва бошқалар арт педагогиканинг муайян методлари, усуслари ва технологияларини ўз амалиётида тобора кўпроқ қўллашни бошлаганлар.

Мактабгача ёшдаги болаларни мактабга сифатли тайёрлаш мақсадида бир йиллик бепул мактабга тайёрлов тизими жорий этилди.

Мактабгача таълим ва тарбия жараёнини анаънавий йўналишдан воз кечиб шахсга йуналтирилган таълим тамойиллари ва методикалари асосида режалаштириш ва ташкил қилиш назарда тутилади. Бунда болани жисмоний ва ижтимоий ҳиссий ривожлантириш, нутқ, мулоқот, ўқиши ёзиш ҳамда ижодий ривожланиши шахсга йўналтирилган таълимга асосланниб амалга оширилади. Яъни, болага кўпроқ эркинлик берилади, ўз қобилиятини ва имкониятини рўёбга чиқариш учун мустақиллик берилади. Ёш авлодни тарбиялаш ва ўқитиши мактабгача таълим ташкилотидан бошланади

Хозирги даврда болаларни илк ёшданоқ ижодий қобилиятларини ривожлантириш мактабгача таълим сифатини оширишнинг замонавий ёндашувларидан бири сифатида қайд этилмоқда. Бу эса, интелектуал зўриқишлардан холи равишда, ижтимоий-маданий муҳитда болаларнинг ижодий қобилиятларини ривожлантириш, улардаги ижодий фаоллик ва ташаббускорлик кўникмаларини такомиллаштиришнинг самарали технологияларини амалиётга жорий этишни долзарб вазифа сифатида белгилайди.

Таълим ва тарбия тамойиллари тарбиячиларнинг педагогик тафаккури ва ҳатти-ҳаракатларига раҳбарлик қилувчи фундаментал, аниқ ифодаланган талаблардир. Улар педагогик жараёнларнинг моҳиятини тушунишга, ҳақиқий педагогик тажрибани умумлаштиришга асосланади. Таълим ва тарбия тамойиллари педагогик жараёндаги мунтазам алоқаларни аниқлаш ва улар асосида таълимни ташкил этиш ва амалга оширишнинг мазмуни, методикаси ва технологиясини белгилаш, педагогик фаолиятда керакли натижага эришиш имкониятини беради.

Артпедагогика тамойилларини ажратиб кўрсатсак, биз коррекцион ишларни ташкил этиш ва ўтказишнинг умумий педагогик тамойилларига, алоҳида таълимга муҳтоҷ кишилар учун маҳсус таълимнинг концептуал қоидаларини акс эттирувчи маҳсус педагогика тамойилларига, шунингдек, бадиий эстетик ривожланиши тамойилларига таяномиз. Шу билан бирга, биз учун А.Д.Гонеев, В.И.Смирнов, И.А.Зимная, Е.В.Назарова, Н.А.Ветлюгина каби муаллифларнинг мавжуд бўлган таълим ва тарбия тамойилларини таснифлаш асос булади.

Дидактикадаги методлар деганда “тарбиячи ва тарбияланувчи” ўкув материалини ўрганиш орқали маълум мақсадга эришишга қаратилган ўзаро таъсир қилиш усусларининг кетма-кет алмашиши тушунилади (Ю.К.Бабанский).

Усулни ташкил этувчи ҳаракатларга турли ҳаракатлар тизимида такрорланадиган маълум операциялар киради. Бу операциялар “техника” атамаси билан белгиланади.

Маълумки универсал усул йўқ, барча усуслар маълум бир комбинацияда, композицияда қўлланилади, бу аниқ педагогик вазиятда энг катта самара бериши мумкин ва бир қатор хусусиятларни ҳисобга олган ҳолда ўқитувчи

томонидан белгиланади. Омиллар, жумладан: таълимнинг мақсад ва вазифалари, болаларнинг ёши, уларнинг индивидуал хусусиятлари, таёргарлик даражаси, фанинг мазмун ва ўзига хос хусусиятлари, ўқитувчининг маҳорати киради.

Артпедагогикада улар қуидагида кўрсатилган.

-турли хил санъат турлари ёрдамида атроф-мухитга эстетик муносабатни ривожлантиришда муаммоли болани шакллантириш;

-ривожланишида турли хил нуқсонлари бўлган болаларнинг бадий маданияти, ахлоқий ва эстетик фазилатларини шакллантириш;

-боланинг турли санъат турларига хос бўлган муайян бадий ифода воситаларини эгаллаши ва улардан ўз ҳис-туйғуларини, дунёқарашини, ижодий фояларини намоён этишда фойдаланиш;

-санъатнинг ҳар хил турлари ёрдамида ногиронлиги бўлган шахсларни ўқитиш ва ўқитишга алоҳида эҳтиёжларини таъминлаш ва қондириш;

-болалар билан бадий ва ижодий фаолиятнинг ҳар хил турлари ва шаклларида (бадий ва нутқ, мусиқа, тасвирий санъат ва ҳунармандчилик театр) мумкин бўлган иштироки асосида тузатувчи, коррекцион ривожлантирувчи ишларни ташкил этиш.

Бадий педагогикада таълим ва тарбия усулларини танлаш қуидагилар билан белгиланади:

-болаларнинг ёши, индивидуал хусусиятлари ва имкониятлари;

-уларнинг қизиқишилари ва мойилликлари;

-тайёргарлик даражаси;

-уларнинг ривожланишидаги ўқишларнинг хусусиятлари ва даражаси;

-болаларнинг бадий ривожланишининг мақсад ва вазифалари;

-санъат турларининг ҳар бирига таъсир қилишнинг ўзига хос хусусиятлари;

-бадий фаолиятни ташкил этиш шакллари;

-бадий маълумотларнинг ҳажми ва сифати;

-ўқитувчининг маҳорати, маҳсус педагогик технологияларини ўзлаштириш даражаси;

Бадий педагогиканинг методлари дидактикада, бадий педагогикада уларни таснифлашда эътироф этилган ёндашувларга асосланади, бунда алоҳида таълимга муҳтоҷ тарбияланувчиларнинг ҳар бир тоифаси учун шундай усуллар таркибини танлаш зарурияти ҳисобга олинади.

Шундай қилиб, бадий педагогика, артпедагогика усул ва услублари бир бири билан узвий равишда уйғунланиши керак. Бу тарбиячилардан муаян вазиятни ҳисобга олган ҳолда, уларнинг оптимал комбинациясида усулларни жуда эҳтиёжкорлик билан танлашни талаб қиласди.

Бадий педагогикада ўқитиш ва тарбиялаш методлари ва услубларини танлаш ва тузиш, бир томондан, бадий-эстетик ривожланишга максимал даражада ёрдам бериши керак. Бошқа томондан, болаларнинг алоҳида таълим эҳтиёжларини қондириш ва тузатиш педагогик ишларнинг ўзига хос хусусиятларига киради.

Бу бадий ва коррекцион ривожланиш технологиясини пухта эгаллаши лозим бўлган тарбиячи ишини анча муракқаблаштиради ва ундан етарли даражада юқори малакали, бадий педагогика ва маҳсус педагогика асосларини яхши билишни талаб қиласди. Доимий ижодий изланиш, тарбияланувчиларнинг индивидуал хусусиятларини билиш, уларнинг қизиқишилари, мойилликлари, мавжуд ривожланиш бузилишларининг тузилишини тушуниш ва ҳар хил санъат турлари ёрдамида тузатиш усулларини ўзлаштиришни талаб қиласди.

Артпедагогиканинг асосий функциялари:

-маданиятилик (шахснинг қадриятлар тизими сифатида маданият билан объектив алокаси туфайли, бадий маданият ривожига асосланган инсон ривожланиши, унинг ижодкорлигига айланиши);



-таълимий (шахсни ривожлантириш ва санъат орқали воқеъликни ўзлаштиришга қаратилган, санъат соҳасидаги билимларни ва бадиий ижодий фаолиятда амалий кўнкималарни эгаллашини таъминлайди);

-тарбиявий (шахснинг ахлоқий-эстетик комуникатив ва рефлексив асослари)

Артпедагогиканинг асосий вазифалари:

-ўзини шахс сифатида қабул қилиш ва ўз қадр-қимматини тушуниш;

-инсоннинг дунё билан муносабати унинг ижтимоий-маданий жамиятдаги ўрнини билиш;

-шахснинг ўз-ўзини ижодий англаши;

Артпедагогиканинг асосий технологияси бу ўйин ва импровизация (ижодкорлик, креативлик), ана шу нарса ижтимоий-маданий педагогика соҳасида бадиий педагогика технологиялардан фойдаланишга асос бўлади.

Педагогик импровизация-бу ички ёки ташқи омиллар таъсирида юзага келадиган режалаштирилмаган вазиятлар туфайли тарбиячининг дастлаб кутилмаган ҳаракатлари. Импровизация мувафақияти шаклларни лойихалаш ва таҳминлаш натижаларининг истиқболлари билан белгиланади.

Ўйин (бадиий фаолиятни рағбатлантириш усули бўлиб, у болаларда беихтиёр ёдлаш жараёнларини фаоллаштириш, уларнинг атроф-мухитга, турли хил бадиий фаолиятга қизиқишини оширишнинг ажойиб воситаси бўлиб хизмат қилиши мумкин)

Артпедагогикада фаолият турлари:

Тасвирий фаолият:

1.Лой иши.

Артпедагогикада ишлатиладиган пластик материаллар:лой. Болалар билан машғулот ўтишда лой пластик материал сифатида тавсия этилади.

Биринчидан гил табиий маҳсулотдир, яъни у ўз-ўзидан терапевтик таъсирга эга.

Иккинчидан, лой пластик ва эгилувчан бўлиб, бу мактабгача ёшдаги болалар билан ишлашда жуда муҳимdir.

Учинчидан, маҳсулотни қуритишдан кейин бўяш.

Кўпинча лой билан ишлашда эҳтиёткор бўлиш керак, ҳар бир бола ҳам лой билан ишлашни хоҳламайди.

Лой ишининг турлари (шакллар ва нарсаларни яратиш)

Пластилин. Ранглари ёрқин, ижобий хусусиятга эга бўлган, рангларни аралаштириш имкониятига эга бўлган, пластик чизиш техникасида фойдаланиш (картонга пластилинни йойиш,расм яратиш).Уч ўлчовли композицияларни яратишда фойдаланиш, шунингдек, мактабгача ёшдаги бола учун ушбу материалнинг “машҳурлиги” омили. Салбий хусусиятларга қуидагилар киради: материалнинг “сунъийлиги”, унинг зарарли таркиби (лойдай пластик эмас)

Пластилин билан ишлаш турлари:

-шакллар ва объектларни яратиш,

-табиий материаллардан фойдаланиб объектлар яратиш,

-пластилин билан чизиш.

Хамир.Бизнинг фикримизча, хамир каби пластик материалга етарлича эътибор берилмайди.Одатда шўр ва оддий хамир билан ишлаш мумкин. Бу материалнинг хусусияти пластик, юмшоқ ва экологик тоза.Болалар ушбу материал билан катта завқ билан ишлайдилар.Хамир шунчалик эгилувчанки, боланинг майда моторикаси, мушаклари яхши ривожланмаган бўлса ҳам, хамир билан ишлашда бемалол ўйнайдилар, янги шакллар яратадилар.Хамирни ҳар хил ранглар билан ҳам бўяб ва уни пишириш мумкин.

Хамир билан ишлаш турлари:

-хамирга ишлов бериш,

-шакллар ва объектларни яратиш (қолиплардан фойдаланиш)

-табий материаллардан фойдаланган холда предметлар яратиш (композитиялар яратиш)

-хамирни бўяш

-хамирдан турли хил расмлар яратиш.

Расм чизиш

Чизиш болаларнинг ҳиссий ривожланишига катта ҳисса қўшади, уларнинг самарали фаолиятининг мотивацион-эҳтиёж томонини шакллантиради. Расм чизиш, худди ўйин каби, “катталар орасида боланинг ҳукуқларини” қоплади. Бола узини ва нарсаларини бошқаришни хоҳлайди, расм ўйин каби, ҳеч бўлмаганда хаёлий равишда амалга оширишга имкон беради. У қоғозда факат ўзига тегишли ва ўзининг ҳаётини тасвирлайди. Артпедагогикада биз чизиш жараёни ва натижанинг қувончини уйғулаштиришга ҳаракат қилишимиз керак.

Артпедагогикада расм чизиш техникаси:

Хўл қоғозда расм чизиш. Қоидага кўра акварелни мактабгача ёш ёки мактаб ёшида киритиш тавсия қилинади. Бошқа томондан, болалар бўёқларини аралаштиришни ва ўзларининг тажрибаларини ўтказишини жуда яхши кўрадилар. Бунинг учун хўл қоғозда чизиш техникаси мос келади.

Шишада чизиш. Гуаш билан ишлаш тўғри келади. Ушбу техника болани хаяжон, ўзига ишончсизлик, ижтимоий қўрқувни тузатиш учун ишлатилади. Болаларни фаоллаштиради, тажрибамиздан келиб шуни айтишимиз мумкинки бар мактабгача ўшдаги болалар шиша устида расм чизишга қизиқади.

Хулоса қилиб айтганда мактабгача ўшдаги болаларни санъат билан танишириш усуллари ва шаклларини қайта кўриб чиқиш ва мактабгача таълим ташкилотларида ушбу ишни ташкил этишнинг анънавий амалиётини ўзгартириш вақти келди. Боланинг ижодий салоҳиятини юзага чиқариш, бадиий фаолият орқали ўзини намоён этишини рағбатлантириш, уни баркамол шахс сифатида шакллантиришга алоҳида эътибор қаратиш лозим.

Фойдаланилган адабиётлар рўйхати

1. Е.А. Медведевой “Артпедагогика и арттерапия” в специальном и инклозивном образовании. Учебник 2018 г.

2. И.Ю. Левченко “Артпедагогика и арттерапия вспециальном образовании”

3. Артпедагогика и арттерапия в специальном образовании: Учебник для вузов / Е.А. Медведева, И.Ю. Левченко, Л.Н. Комиссарова, Т.А. Добровольская. - М.: Академия, 2001. – 248 с

4. Мирзаева, Дилфуза Шавкатовна, and Зилола Исмоиловна Курбанова. «Арт-педагогические технологии коррекции страхов у детей дошкольного возраста.» Scientific progress 2.7 (2021): 1206-1212.

11. Tilavova, Matlab Muxammedovna, and Mavluda Adiz Qizi Alimova. «TEXNOLOGIYA DARSLARIDA QO ‘L MEHNATIDAN FOYDALANISH TALABLARI.» Scientific progress 2.7 (2021): 975-982.